

FAHENDRENA

HOENTI-MIAINA

AMIM-

PAHAMARINANA





**“Mampianara anay
hanisa ny andronay,
hahazoanay fo
hendry.”**

(Salamo 90:12)



Mora ho antsika ny mihevitra fa ny atao hoe manam-panedrena dia manana fahalalana midadasika amin'ny sehatry ny siansa, ny filozofia, sns.



Ataontsika ho “hendry” ny olona manana izany fahalalana izany, saingy mihoatra noho izany ny fahendrena. Midika ho fampiharana tsara ny fahalalana rehetra azo (na kely na betsaka) izany.

Ahoana no hamaritan'ny Baiboly ny fahendrena?

Ahoana no hianarana izany fahendrena izany?

Ahoana no hampiharana izany eo amin'ny fiainantsika andavanandro?

Inona no soa azontsika avy amin'ny fanarahana ny fahendrena ara-baiboly?



▶ Ny fahendrena ao amin'ny didy (Salamo 119).

▶ Ny niandohan'ny fahendrena (Salamo 90).

▶ Fahendrena anaty fitsapana (Salamos 95, 81 sy 105).

▶ Fampiharana ny fahendrena:

▶ Ny lalan'ny ratsy fanahy (Salamo 141).

▶ Ny fitahiana avy amin'ny fanaovan-tsoa (Salamo 1, 112 sy 128).

NY FAHENDRENA AO AMIN'NY DIDY

"Ato am-poko no iraketako ny teninao, mba tsy hanotako aminao" (Salamo 119:11)



Ny Teny no manazava ny lala-marina (Sal. 119:105); manadio azy (Sal. 119:9); mitarika ny diantsika (Sal. 119:133); ary miaro antsika amin'ny loza noho ny lalan-dratsy (Sal. 119:101).

Ny miaina araka ny Teny dia tsy maintsy midika ho fitandremana ny didin'Andriamanitra (Sal. 119:4). Tsy haintsika ny manatateraka an'izany, nefahazo matoky isika, fa amin'ny fisaintsainana azy ireny miaraka amin'ny fanampian'Andriamanitra, dia hahazo fahendrena bebe kokoa hatrany isika ho tandremana sy hiaro antsika (Sal. 119:5-6).

Tsy fitondran-tena ivelambelany fotsiny ny fitandremana ny didy, fa mahakasika ny fahavononan'ny saina sy ny fo (Sal. 119:7, 148).

Ny didin'Andriamanitra no lohahevi-dehibe ny Salamo 119 araka izay voalaza ao amin'ny Teniny.

Toy ny hita any amin'ny toko hafa ao amin'ny Baiboly, ity salamo ity dia mampitaha ny fiainana ho toy ny lalana izay diavin'ny olona tsirairay. Mety hitondra ho any amin'ny fiainana mandrakizay io lalana io, na ho amin'ny fanamelohana mandrakizay. Ahoana no hifidianana ny lala-marina?



NY NIANDOHAN'NY FAHENDRENA

"Mampianara anay hanisa ny andronay, hahazoanay fo hendry." (Salamo 90:12)

Fohy ihany ny fiainantsika, toy ny zavona raha oharina amin'ny mandrakizay izay an'ny Mpamorona (Sal. 90:2, 4, 9).

Mandritra izany fotoana fohy izany, dia miaina ao anatin'ny fahotana **isika**, eo ambanin'ny fahatezeran'Andriamanitra (Sal. 90:8-11). Nefa Andriamanitra manondraka ho antsika ny fahasoavany sy mahampoka antsika amin'ny famindram-pony (Sal. 90:13-14).





Rehefa manaiky ho ampianarin'Andriamanitra isika, dia mianatra "manisa ny androntsika". Amin'izany no ahazoanntsika ny tena fahendrena, ka ovaina ho tahaka ny endrik'ilay Mpamorona antsika isika, Izy izay ianarantsika tahotra sy fanajana (Sal. 90:12, 16; 111:10).

Ny fahazoana fahendrena dia mitarika antsika hibebaka aloha ary avy eo hanao ny asa tian'Andriamanitra hataontsika (Sal. 90:3, 17).

FAHENDRENA ANATY FITSAPANA

"Fony azom-pahoriana ianao, dia niantso Ahy, ka namonjy anao Aho; namaly anao tao amin'ny fiafenan'ny kotrokorana Aho, ary nizaha toeatra anao tao amin'ny ranon'i Meriba." (Salamo 81:7)

MIATRIKA SEDRA TSY MISY FAHENDRENA



Naka fanahy an'Andriamanitra ny Israely tao Meriba: "noho ny nakany fanahy an'i Jehovah hoe: Eto aminay va Jehovah, sa tsia?" (Eks. 17:7). Saingy, ho an'Andriamanitra dia Izy no nizaha toetra ny Israely (Sal. 81:7).

Tsy nahomby tamin'ny fitsapana ny Israely, fa niziriziry tamin'ny fikomiany, ka tsy maintsy nofaizina (Sal. 95:8-11). Na izany aza anefa, dia nomen'Andriamanitra azy ireo ny rano nangatahiny (Eks. 17:5-6).

Raha hendry anefa izy ireo, dia ho nahomby tamin'ny fitsapana. Dia ho nanao fahagagana lehibe tamin'izy ireo Andriamanitra (Sal. 81:13-16).

MIATRIKA SEDRA AM-PAHENDRENA



Nogadraina tamin'ny vy i Josefa, nampijaliana sy nampahoriana. Saingy, nandray fanapahan-kevitra feno fahendrena izy: hanompo an'Andriamanitra na inona na inona toe-javatra misy (Sal. 105:16-18; Gen. 39:7-9).

Rehefa nahomby tamin'ny fitsapana izy, dia nasandratr'Andriamanitra (Sal. 105:19-21). Niharihary tokoa ny fahendreny ka nasain'i Farao nampianatra ny loholona ny fahendrena nomen'Andriamanitra azy izy (Sal. 105:22). Tamin'ny alalan'i Josefa no nanomezan'Andriamanitra fiainana ny fianakavian'i Israely manontolo (Sal. 105:23).



FAMPIHARANA NY FAHENDRENA

NY LALAN'NY RATSY FANAHY

“Aza avela hirona ho amin’ny zava-dratsy ny foko, hiray raharaha amin’ny olona mpanao ratsy hanao izay asa tsy mety; ary aoka tsy hihinana ny zava-piny aho” (Salamo 141:4)

Ny Salamo 141 dia vavaka fangatahana amin’Andriamanitra hanafaka antsika amin’ny fakam-panahy avy ao anatiny sy avy any ivelany (Sal. 141:1-3, 9-10). Tsy afaka mandresy fakam-panahy amin’ny herin’ny tenantsika irery isika, satria ny fontsika mihitsy no maniry ota. Mila mivavaka tsy mitsahatra isika mba hahatohitra fakam-panahy.

Maneho amintsika ny toetry ny fakam-panahy ny Salamo 141:4 sy 1:1:

1) Mirona ho amin’ny ratsy ny fo

“Aza avela hirona ho amin’ny zava-dratsy ny foko.”

“Sambatra ny olona izay tsy mandeha eo amin’ny fisainan’ny ratsy fanahy.”

2) Manota ilay olona


“hiray raharaha amin’ny olona mpanao ratsy hanao izay asa tsy mety”

“ary tsy mijanona eo amin’ny lalana falehan’ny mpanota”

3) Faly amin’ny ratsy izy

“ary aoka tsy hihinana ny zava-piny aho”

“tsy mipetraka eo amin’ny fipetrahan’ny mpaniratsira.”




Manoritsoritra ny toetry ny fakam-panahy izay mandroso miandalana, mamitaka ary feno hafetsena ny salamo. Ny fiankinana tanteraka amin’Andriamanitra ihany no antoka ho amin’ny fandresena (Sal. 141:8-10). Nefa, ny fandresena farany ny fahotana dia mbola amin’ny hoavy (Sal. 1:5-6).

NY FITAHIANA AVY AMIN'NY FANAOVAN-TSOA

"Indro, fa toy izany no hitahiana izay lehilahy matahotra an'i Jehovah" (Salamo 128:4)

Ny fiasan'ny fahendrena voalohany indrindra dia hitarika antsika ho amin'ny lala-marina, mifanaraka amin'ny sitrapon'Andriamanitra. Inona no fitahiana ho azontsika amin'ny fanarahana izany?



Ho sambatra isika
(Sal. 1:1; 112:1;
128:1)

Hambinina ny
asantsika (Sal.
1:3; 128:2)

Hahery ny taranatsika
(Sal. 112:2; 128:3)

Hahazo zava-
tsoa sy harena
isika (Sal. 112:3)

Handeha amin'ny
fahazavan'Andriam
anitra isika (Sal.
112:4)

Hitantana am-
pahitsina ny
raharahantsika
isika (Sal. 112:5)

Tsy hangozohozo
isika, fa hotsarovana
(Sal. 112:6)

Tsy hatahotra
hahare vaovao
ratsy isika (Sal.
112:7)

Handresy ny
fahavalontsika isika
(Sal. 112:8)

Hisandratra am-
boninahitra isika
(Sal. 112:9)

Ny fifanandrinana misy eo amin'ny tsara sy ny ratsy amin'izao fotoana izao no manakana antsika tsy hisitraka ireo fitahiana rehetra ireo, na amin'ny ambahany fotsiny aza. Nefa, ho avy ny fotoana izay hahazoantsika fitahiana amin'ny fahafenoany, any amin'ny Fanjakan'Andriamanitra.



“Rehefa misaintsaina ny asa atao'n'Andriamanitra ho an'ny olombelona lavo aho, dia gaga tanteraka fa Andriamanitra dia handray ny olombelona mahantra sy lavo ary hitondra ho azy ireo hery ara-tsaina, izay hisian'ny fahasoavana miasa ao anaty, manova ny toeatra amam-panahy, sy mamolavola ny olona ho mendrika izay efa nomanin'Andriamanitra ho azy ireo— olombelona mendrika ho amin'ny fanatrehan'Andriamanitra, mendrika ny ho naman'ny anjely ary hanana firaisansa amin'Andriamanitra. Endrey izany fanirian'ny foko mba ho iray amin'ireo izay hiaramandeha amin'i Jesosy Kristy any an-tany vaovao!”